



6.8

H.M. 73.

275. 2. 276











LAURISTON CASTLE  
LIBRARY ACCESSION

ORAN

AIR

COMHDHAIL BHIADHAIL LUCHD AITEACHAIDH

MHUILE AGUS I CHOLUM CHILLE,

---

ANN AN GLASGO, AIR AN 10mh LA D'N Fhaoilteach. 1870.

AIG AN ROBH

COIRNEAL GARDYNE, GHLINNFORSA,

NA CHEANN-SUIDHE.

LE

D. MACPHAIL.

GLASGOW:

PRINTED BY ARCHIBALD SINCLAIR, 62 ARGYLE STREET.

---

1870.

## O R A N .

AIR FÒNN.—“*Dh’ olainn slainte Thearlich.*”

LUINNEAG—Deochslàinte Chòirneil Gàrdyne.  
Dh’ òlamid fo stràchd i,  
Air chumhuant d’ fhaicinn ann an Glascho  
Fo bhratach nan Gàidheal.

Dh’ òlamid a shlàinte,  
“Ged leònadh e gu bàs sinn,”  
An sàr dhuin’ uasal leis nach suarach  
Beus ’us tuar nan Gàidheal.  
Deochslàinte, &c.

’S taitneach leam an sgeul ud  
A dh’ fhiosraich mi ’n Duncidin,  
E ’bhi tigh’n thar’ bàrr nan tonn,  
Gu coinneamh clann na féille.  
Deochslàinte, &c.

Air ghaol an nochd ’bhi làmh ris,  
An Seòmraichean na Banrigh,  
Sùd mi ’n diolaid an eich iarrain,  
’Dol gu h’iar air bàinnidh.  
Deochslàinte, &c.



Bi sud an lùchairt àluinn,  
 Gun choimeas dhi air àirde,  
 Air leud 's air fad, an dealbh 's an dreach,  
 Ach *Parthenon* na h-*Athens*.

Deochslàinte, &c.

'N uair thaom a stigh do'n lùchairt,  
 'N an sreathan daingean, dùmhail,  
 Na fùrain dhùileas, nach do dhiobair,  
 Gleachdadh tìr an dùthchais.

Deochslàinte, &c.

Air ceann gach reang, 'n uair ghluais iad,  
 Bha 'phìob 'is ròghail nuallan—  
 A chliathlu dhònach, chruaidh-ghlan bhinn,  
 A thogadh dh'inn gach smuaircin.

Deochslàinte, &c.

Na maighdeanan deas guamach,  
 Le lì nan beann 'n an gruaidhean,  
 Rì taobh nan gallan ùrail, sgeanail,  
 Sunndach, smiorail, uasal.

Deochslàinte, &c.

An òigridh fhallan, fhuaisgailt',  
 Gun ghaoid, gun ghìomh, gun bhruaidhleir,  
 Grainne-mullaich nam flath duineil,  
 'O Mhuile nan fuarbheann.

Deochslàinte, &c.

Bha 'n sealladh ud ni b' àillidh,  
 Na féillean *Iuno* 's *Bhacchuis*,



An còmhlan rùnach, clann mo dhùthcha,  
 'Dannus' air ùrlar clàraidh.

Deochslàinte, &c.

Bha Rossich ann 'n an ceudan,  
 O'n Liob gu iochdar Chréithich,  
 'S o eilein I nan garbh-fhear mòra,  
 'S nam ban bòidheach, beusach.

Deochslàinte, &c.

Mar stoirm a marcachd sìne,  
 Rì creagan Bhuirg 'us Ghrìbhuinn,  
 Bha sliochd nan sonn 'o Loch-nan-ceall,  
 Da thaobh 'us ceann Lochsridein.

Deochslàinte, &c.

A' Mòrinish nan sàr-laoch,  
 Cuinnish 'us Leth 'r Arois,  
 Sliochd nan dròbhair á Glenforsa,  
 'S cosgaraich o'n t-Sàilein.

Deochslàinte, &c.

Gu fìnealt' mar bu dual dhoibh,  
 Bha òigridh na Leth uachdraich,  
 'O oighreachd Dhubhaird 'us Lochbuidhe,  
 Ceann uidhe nan uaislean,

Deochslàinte, &c.





















